

Keputusan Musyawarah Pekerja Lengkap Moria se-GBKP

Tanggal 26-29 Mei 2012

Di Bandar Lampung

Pujin ras kemulian si sehken man Tuhan asabap enggo banci MPL Moria se-GBKP tahun 2012 siibenaken ibas tanggal 26-29 Mei si ilakoken I Badar Lampung enggobanci erdalan alu mehuli bekas poengarak-ngarakNa. Emaka enggo ka pe melala percakapen she ku kepoutusen si idatken janah ibas kesempatan enda me isehken kami kerina man banta alu pengarapen meriah ukurta ngelakokenca.

I. BIDANG UMUM

1. Penjelasan Buku PA Moria, Kursus Song Leader si ilakoken i Klasis , ikelola masing masing Klasis subuk ingan, keuangan bagepe waktuna. Janah kerina enda lampas ipebetehken BPP Moria man Klasis si jadi ingan kundulen. Bagaepe Kerna penggabungen piga –piga Klasis iaturken BPP Moria rikutken kondusina.
2. Rapat guna nusun program ras perduiten la ibahan i KWK ntah pe kabanjahe sekitarna saja, tapi ilakoken ibas ingan si deban. Janah ibas tahun enda ilakoken i daerah Medan Sekitarna ras seterusnya pegancih-gancih.
3. BPP Moria ngirim surat / Email man kerina BP Moria Klasis kenca bage iumbahi alu SMS / Telepon khusus man BP Moria Klasis si la reh ibas Rapat program ras perduiten.
4. Si berhak ipilih jadi Badan Pengurus Moria Klasis emekap si iutus BP Moria Runggun ras undangan BP Moria Klasis.
5. Tugas rangkap sinimaksudken ibas P2P & PRT emekap inter Moria, umpamana BPP Moria la banci jadi BP Moria Klasis , BP Moria Klasis la banci jadi BP Moria Runggun tapi BPP Moria ras BP Moria Klasis banci jadi BP Moria sektor. Janah enda labo lit hubungenna ras BP sidebanna aminbage gia ibas pelaksananna isesuaiken ras aturen si lit ibas tep-tep Klasis ntah pe Runggun.
6. Lagu “Sangap Jabu Si Ernaleman Man Tuhan Dibata” ijemaatkan man kerina Moria se-GBKP gelah ibas paksana ibahan jadi lagu wajib ibas acara kebaktin Pemasu-masun.
7. Transport ibas kunjungan BPP Moria ku Klasis (sebage nara sumber) nggo iadang BPP Moria janah BP Moria Klasis mereken pengataken bujur man BPP Moria si reh asa ukur meriah.
8. Adangen tep-tep Moria guna perayaan sinodal (Paskah, HUT ras Natal Moria) Rp.1.500/Moria tapi adangen i tep-tep Klasis itentukan rikutken keadan Klasisna.
9. Pertangis Moria GBKP i tingkatken arah Rp.1.000,-/Moria jadi Rp.2.000,-/ Moria tupung lit kepaten ibas anggota GBKP.
10. Perayaan i tingkat sinodal, ilakoken waktuna la wari minggu rikutken keputusan Sidang Sinode tahun 2005.
11. Panitia Perayaan Tingkat Sinodal Moria itetapken ibas rapat menyusun Program ras perduiten guna tahun si nandangi reh.
12. Ingan MPL Moria si nandangi reh itentukan tupung MPL sebelumna janah ibahan ibas 3 pilihan ingan.
13. Sehubungan ras P2P & PRT BAB VIII Pasal 21 bagin d ras f maka sebage keputusan MPL emekap ibas make baju seragam Moria se-GBKP ipake selendangna rasi barat dengen make layam (la banci sarsar buk).
14. Pelaksanaan kursus i tingkat Moria Klasis isesuaiken ras kondisi tep-tep Klasis.
15. Pengelolaan swadaya Moria iaturken BPP Moria.
16. Tep-tep Tahun BP Moria Klasis mereken Laporen si Konkrit kerna keadan Moria se-Klasis man BPP Moria, janah laporen enda isehken tupung ramah tamah tahun baru.

17. Keputusan MPL Moria GBKP ibagikan man kerina peserta MPL Moria GBKP sope mulih. Keputusan e la banci iubah janah adi ate iubah arus ibas rapat lengkap BPP Moria ras BP Moria Klasis se-GBKP.

II. BIDANG PERSEKUTUAN

1. A. Buku PA Moria
Pendistribusin iarpakan tepat waktu eme si melawenna minggu kedua bulan Januari teptep tahunna enggo seh i teptep Klasis.
Janah guna si enda iarpaken maka setoren guna iuran, swadaya, kolekte, utang-utang enggo min isetorken ahir bulan Oktober, dengen permut si melawenna minggu ke dua bulan Desember. Emaka guna kiniulinna iarpaken gelahnamin BP Moria Klasis nambahi jumlah pemindon buku enda. Sabap lit sekitar 15 ribu anggota Moria silanga muatca.
- B. Paksa teneng
Pendistribusin buku bimbingan Paksa Teneng ku BP Moria Klasis iarpaken gelah tepat waktu. Janah iarpaken maka kualitas penulisenna, pencetakenna ipejilei. Bagepe iarpaken gelah anggota Moria 'mencintai' buku enda erkiteken mbelin hubungenna ras kegeluhen diberu. Emaka guna kiniulinna iarpaken gelahnamin BP Moria Klasis nambahi jumlah pemindon buku enda.
2. Metode PA Moriagelah iban Variasi si mbaru erkiteken 4 metode PA si genduari si lit ibas buku PA tempa lit perserina, janah ibas tahun si reh lit metode tambahen si lebih menarik.
3. Kerna pelaksanaan sosialisasi buku PA ras Kursus-kursus, iarpaken maka BPP Moria nehken surat man BP Moria Klasis gelah BP Moria Klasis banci nikapkenca. Emaka sendalanan ras si enda iarpaken maka kerina BP Moria Klasis reh ku acara |Ramah Tamah Tahun Baru BPP Moria ras BP Moria Klasis erkiteken ije sekaligus icakapken jadwal program kerja termasuk kerna kursus enda.
4. Kerna panitia Paskah, HUT ras Natal Moria se GBKP (nen keputusan bagin umum no.11).
5. Ingan MPL Moria se-GBKP tahun 2014 eme i wilayah Klasis Riau Sumbar, Berastagi, P. Siantar
6. Gelah tep-tep Klasis ngelitken team pastoral conseling ras tim si nggo lit iaktifken emaka si enggo tamat ngikuti pelatihanen gelahna banci iberdayaken ibas klasis ras runggunna. Guna si enda maka iarpaken :
 - Klasis si lenga enbahanca ipersiapkan timna guna perjumpaan.
 - Klasis si nandangi ngelakokenca eme kap : Klasis Kabanjahe, Tigabinanga bagepe Kabanjahe Tigapanah ibahan bulan Juni, Klasis LubukPakam bulan Juli janah Klasis Berastagi ras Medan Kuta Jurung bulan Agustus.
7. Rikutken kinatana maka melala kal anggota Moria si la aktif, emaka guna si enda iarpaken :
 - Moria erbahan program guna pendekaten dengen erbahan perkunjungan bagepe pendampingen man Moria si ermasalah.
 - BP MoriaKlasis erbahan pendekaten ku Moria-moria Runggun.
8. Ibahan min peningkatena guna iuren ras swadaya Moria.

III. BIDANG PELAYANAN

1. Tupung lit pembinaan man Moria umpamana kursus maka rikutken topikna iundang min Pt./Dk si diberu, nora-nora bagepe pendeta si diberu.
2. Guna pengembangan ras peningkatena pelayanan KWK-GBKP maka ibahan me :
 - Pembenan managemen KWK
 - Pengumpulan dana
 - Sada kali kolekte ibas 1 tahun tupung PA Moria
3. Program ras pelayanan HIV/AIDS. Ngidah kerna penyebaren korban HIV AIDS maka iarpaken :

- Moria ibas kerina tingkatenna erbahan link ras program kerna penyuluhan ntah pe sosialisasi kerna HIV AIDS.
 - Nampati kalak si korban.
4. Penanganen korban KDRT ras trafficking (penjualan anak ras diberu) gelahna min itingkatkan janah ibas si enda ipergunakan crisis center Moria si itangani kalak siberkompeten ibas si e.
 5. Secara nominal iuran ras swadaya langa perlu inaikken, tapi perlu meningkatkan tehnik pengutipen gelah banci ikutip secara menyeluruh.

IV. Kesaksian

1. Kerna Lagu Perjabun 'Sangap Jabu Si Ernalem Man Tuhan Dibata' (nen bidang umum no. 6).
2. Penambahan lagu tupung erceda ate alu judul "Enggo Seh Peraten Dibata" ciptaan Junaedi Sinuhaji (si enggo ibagikan ku Klasis-klasis iarpken gelah ijemaatken seh ku Runggun-runggun).
3. Kerna Team Paduan Suara Moria GBKP :
 - a. Erbahan laporen kegiatenna per-3 bulan sekali (kecuali Jakarta sekitar erdandanken anggotana i wilayah Klasis Jakarata Bandung denga, emaka iarpken gelah Jakarta Bandung ras Jakarta Banten gelah berkordinasi guna pengembangan Team Paduan Suara Jakarta Sekitar).
 - b. BPP Moria erbahan format laporena.
 - c. Man Team Paduan Suara si la latihan entah pe la erbahan lapuren maka subsidi la ibereken ibas semester si e. Enda ilakoken guna penjemba man Team Paduan Suara Moria gelah tetap semangat.
 - d. Jumlah anggota team Paduan suara si sitikna 25 kalak. Erdandanken si e iajuk man kerina Moria si ertalenta rende dengen lit ersura-sura gelahna min ikut jadi anggota team Paduan Suara.
 - e. BPP Moria erbahan perkunjungan ku Team Paduan Suara guna ngidah situasi ras kondisi si lit 2 kali ibas 1 tahun (kecuali Paduan Suara Jakarta Sekitar ilakoken rikutken perluna).
 - f. Man Paduan Suara si merlukenpenampat ibas bidang dana si sifatna guna pelayanen ras kesaksin gelahna min erbahan proposal ntah pe surat ku Klasis si ituju.
4. Kursus Song Leader ibahan subuk i Tingkat Klasis Runggun bagepe man Team Paduan Suara Moria GBKP.
5. Budaya Karo perlu ilestariken terutama si la petembil ras kiniteken kalak Kristen, umpamana :
 - a. Ngerengget alu Kata Dibata.
 - b. Landek alu ende-enden rohani
 - c. Makeken alat music Karo (keteng-keteng, penganak, sarune rsd) banci ipake jadi alat musik gereja (ntahpe gabungan).

V. Kelompok Keuangan Dan Usaha.

1. Program BPP Moria si lit bas matrik BPP Moria , khususna sosialisasi buku PA ras kursus Song Leader (nen keputusan bidang umum No. 1).
2. Kerna barang-barang Usaha si idistribusiken BPP Moria isehken man Moria Klasis emaka Moria Klasis mendistribusikenca ku Runggun-runggun. Janah kerna jumlah erbagena barang e la ibatasi.
3. BPP Moria erbahan standart erga barang-barang si isehken man Moria Klasis.
4. Kerna luren (nen keputusan bidang Pelayanan no.5).
5. Kerna adangen guna perayaan secara sinodal ras Klasis (nen keputusan bidang umum no. 8).
6. Penampat guna erceda ate itingkatkan (nen keputusan bagin umum no. 9)

7. Pencetakan ras Pengedaran Kelender Moderamen ku Klasis-klasis ilakoken bulan Oktober.
8. Cara pendistribusin barang usaha Moria asa bancina ilakoken arah BPMoria Klasis, tapi adi lit hal-hal si tertentu banci langsung ku BPP Moria janah BPP Moria ncatatsa, mpebetehenca dingan mereken selisih erga man BP Moria Klasis.
9. Pergantin baju seragamMoriase-GBKP langa seha waktuna.
10. Barang yang diproduksi BPP Moria hanya di beli kepada BPP Moria saja kita tetap mendukung usaha BPP Moria.
11. Setoren man BPP Moria asa bancina melalui rekening BPP Moria janah man Klasis si ngirim iarapkenal mpebetehenca man BPPMoria rikut ras rincianna.
12. Ibas pembelian Barang-barang arulah betehen Ketua, Sekretaris, Bendahara ras seksi Usaha, gelah tertib administrasi reh teridahna.
13. Bagi si lenga muat bagin ibas nampati ngelitken perlengkapen KWK iarapken ikut berpartisipasi guna KWK GBKP Berastagi (umpamana kursi, gorden alat-alat masak ras sidebanna).
14. Guna peningkaten jumlah iuren ras swadaya maka peranen pengurus Moria Runggun terlebih bendahara terus ku sector arus lebih itingkatken.
15. BPP Moria erbahan format lapuren perduiten gelah lit keseragaman ibas kerina Moria.
16. Adi lit Sisa dana Kepanitiaan/ Perayaan maka iban pembaginna 70% man BBP Moria ras 30 % man Moria Klasis (*bagepe berlaku man Moria Klasis ku Moria Runggun*), janah aturen enda iusulken masuk ku P2P/PRT
17. Kolekte LAI ras TK ibas bulan September ras Oktober ituliskan i Buku PA Moria gelah kerinaMoria lalupa guna ngelakokenca.

Bagenda me keputusan MPL Moria se-GBKP ibas tanggal 26-29 Mei 2012 isehken kami alu dem pengarapen maka Dibata si mere gegeh man banta guna ngelakokenca ibas dahin-dahin pelayanenta subuk i tingkat Pusat, Klasis bagepe Runggun.

Bandar Lampung. 29 Mei 2012

Isehken,

BADAN PENGURUS PUSAT MORIA GBKP

Ketua Umum  (Pdt. Jennie E. Keliat)		Sekretaris Umum  (Pdt. Suenita Sinulingga)
------------------------------------------------------------------------------------------------------------------------------	-------------------------------------------------------------------------------------	--------------------------------------------------------------------------------------------------------------------------------------

Pimpinan Sidang,

dto

(Runella br Sinuraya)

dto

(Dk. Riahna br Tarigan)

dto

(Amisah br Kacaribu)